



MULEGNS

La tur alva optimada

Il festival cultural Origen ha la gievgia preschentà la tur alva surlavurada ed optimada. Dasper l'hotel Liun vul Origen fabritgar cun ina tecnologia digitala ina tur alva da betun. La tur che custa radund 4,1 milliuns francs duess esser pronta il matg 2024 e restar per tschintg onns.

RTR/FMR

La tur alva è pronta, uschia ha la fundaziun Origen communitgà ils proxims pass. Ils davos mais han ils architects da la scola politecnica da Turitg optimà ensemen cun l'inschinger da construcziun *Jürg Conzett* ed il patron da construcziun *Giovanni Netzer* ils plans per la tur. Quella saja ussa pli filigrana e tuttina pli stabila, descriva resumond Conzett la tur. Per Netzer, l'intendant da la fundaziun Origen è la tur ussa ina cumbinaziun da culissa da e per teater, concerts, installaziun d'art, tur panoramica.

Plans ambizius

Ils plans èn ambizius. Il matg 2024 duess la tur esser pronta. Il mument èn inoltradas tar l'Uffizi da construcziun da Surses las midadas dal project. Proximamain vegn publictà la dumonda da construcziun. Il medem mument lavura Origen vi da la finan-

zaziun dals 4,1 milliuns francs. L'october da quest onn duessan ils singuls elements vegnir stampads cun in betun alv spezial e silsunter mess ensemen al lieu la primavaira.

Scriven vinavant l'istorgia da Mulegns

La nova tur duess scriven vinavant l'istorgia da Mulegns ed interpretar da nov quella. Previs èsi ch'installaziuns d'art, turas auditivas e preschentaziuns da teater vegnian realisadas en quella tur.

En la sala cun ina cupla duess pender ina tribuna che porscha ina vista sin il vitg e tschiffa la saira ils davos radis dal sulegl, ha Origen Festival Cultural scrit en ina comunicaziun.



Martin Vincenz da Grischun vacanzas (sen.), il cusseglier guvernativ Martin Bühler (dretg) èn stads preschents a la preschentaziun da la nova tur da l'intendant dad Origen Giovanni Netzer. FOTO MAD/ORIGEN